



Broj predmeta: 02-000049/20
Broj akta: 01.11-1141SM-287/20
Datum, 2. 6. 2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.11-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge od 2. 6. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 2. 6. 2020. godine i z d a j e

N A R E D B U
O EPIDEMIOLOŠKIM PREPORUKAMA ZA SPREČAVANJE ZARAZE BOLEŠĆU COVID-19
TOKOM OKUPLJANJA U ZATVORENOM I OTVORENOM PROSTORU

Član 1.

Ovom naredbom donose se epidemiološke preporuke za ponašanje tokom okupljanja u zatvorenom i otvorenom prostoru.

Član 2.

Pojačana lična higijena, treba izbjegavati nečistim rukama dodirivati usta, nos, oči i lice.

Član 3.

Fizička udaljenost

- (1) Za cijelo vrijeme boravka u svim prostorima, uključujući dolazak i odlazak, preporučuje se održavanje fizičkog razmaka između osoba od 1,5 metra.
- (2) Pravilo razmaka ne mora se primjenjivati između članova istog domaćinstva ili osoba koje su uobičajeno u bliskom kontaktu.

Član 4.

Maske za lice

Preporučuje se korištenje maske za lice osoblju koje posluhuje na slavljinia.

Član 5.

Ograničenje ukupnog broja osoba

- (1) Najveći broj osoba koji mogu istovremeno boraviti u zatvorenim i na otvorenim prostorima, uz poštovanje preporučenog fizičkog razmaka od 1,5 metra među posjetiteljima odnosno jedna osoba na 2,5 m², organizatori će odrediti u skladu sa veličinom prostora objekata i objekata predviđenih za slavlja.
- (2) Organizator je obavezan istaći na vidno mjesto uputstvo o ponašanju i veličinu prostora objekta.

Član 6.

Evidencija

Preporučuje se vođenje evidencije učesnika i osoblja radi lakšeg praćenja kontakata u slučaju eventualne pojave zaraze virusom SARS-CoV-2 gdje će se prikupljati osnovni podaci: ime, prezime i broj telefona.

Član 7.

Dnevno mjerenje tjelesne temperature

Učesnici i osoblje trebaju prije slavlja izmjeriti tjelesnu temperaturu. Ako je tjelesna temperatura u jutarnjim satima viša od 37,2 °C, ako se osjeća bolesno ili ima bilo koje znakove bolesti (odnosi se na sve simptome i znakove bolesti, ne samo na bolesti disajnih puteva), ne preporučuje se odlazak na posao i na slavlja.

Član 8.

Dezinfekcija ruku

- (1) Na ulazu u prostor te u samom prostoru na lakše dostupnim mjestima osigurati učesnicima i osoblju dozator s dezinfekcionim sredstvom za ruke i jasno istaknuto obavještenje o obavezi dezinfekcije ruku (dozator s dezinfekcionim sredstvom na bazi 70% alkohola).
- (2) Osoblje treba voditi računa da dozator pravovremeno dopune novim količinama dezinficijensa kako bi ga uvijek bilo dovoljno.

Član 9.

Označavanje sjedećih mjesta

Preporučuje se da se unaprijed označe sva sjedeća mjesta koja međusobno trebaju biti udaljena najmanje 1,5 metar i da se ograniči broj učesnika na najviše koliko ima označenih mjesta, isključivo sjedeća mjesta.

Član 10.

Ulazak u prostor i raspored sjedenja

- (1) Učesnici trebaju ulaziti u prostor gdje se održava slavlje tako da se ne zadržavaju i ne grupišu i što kraćim putem dođu do svog stola.
- (2) Preporučuje se da najprije ulaze učesnici koji sjede u najudaljenijem dijelu prostora gledajući od vrata i tako po redu.
- (3) Preporučuje se da za istim stolom budu smješteni učesnici koji su u uobičajenom kontaktu.
- (4) Također se preporučuje da raspored sjedenja bude tačno utvrđen i nepromijenjen tokom trajanja slavlja.

Član 11.

Muzika

Preporučuje se da se pozornica postavi na udaljenost od 4 m od ostalih učesnika. Razmak od 2 metra preporučuje se između muzičara/izvođača.

Član 12.

Plesni podij

- (1) Broj osoba koje istovremeno mogu boraviti na plesnom podiju zavisi od veličine podija te je preporuka da se osigura prostor od 2,5 m² po osobi.
- (2) Tokom aktivnosti intenzivnijeg plesa preporučuje se održavanje fizičke udaljenosti od 1,5 m između osoba, osim između osoba koje su u uobičajenom kontaktu.

Član 13.

Posluživanje i konzumacija hrane i pića

- (1) Zbog manjeg grupisanja učesnika oko šanka ili švedskog stola preporučuje se posluživanje hrane i napitaka isključivo na stolove ispred gosta.
- (2) Za vrijeme proslave nije dozvoljeno dijeliti čaše, drugo posuđe i pribor i sve ostale predmete s drugim osobama.

Član 14.

Klimatizacijski uređaji, uređaji za grijanje i ventilaciju

Opća preporuka za unutrašnje prostore je prozračivanje otvaranjem prozora, a manje korištenjem ventilacijskih sistema.

Član 15.

Čišćenje i dezinfekcija prostora

- (1) Sve prostorije, često dodirivane površine kao što su ručke na vratima, ručke na prozorima, radne površine, rukohvati, slavine u toaletima, tipke vodokotlića, prekidači za struju i druge dodirne površine koje koristi veći broj osoba neophodno je dezinfikovati prije početka slavlja i nakon završetka slavlja.
- (2) Obavezno koristi papirnate ubruse.

Član 16.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Svim odjeljenjima Vlade (12x)
5. Sekretarijatu Vlade (3x)
6. Odjeljenju za obrazovanje
7. Odjeljenju za zdravstvo i ostale usluge
– Pododjeljenju za javno zdravstvo
8. Uredu za upravljanje javnom imovinom Brčko distrikta BiH
9. Uredu gradonačelnika / Inspektorat
10. Policiji Brčko distrikta BiH
11. Članovima Štaba (34x)
12. Ministarstvu sigurnosti BiH, terenski centar Brčko
- Služba za rad sa strancima, Trg mladih br. 8
13. Ministarstvu sigurnosti BiH – Granična policija BiH
14. Institucijama Brčko distrikta BiH (8x)
15. Crvenom krstu/križu Brčko distrikta BiH
16. Javnim preduzećima, fondovima i Zavodu (7x)
17. „Službenom glasniku Brčko distrikta BiH“
18. Arhivi.

GRADONAČELNIK

Mr. sc. Siniša Milić